

# Gih Raeuz Gaihcanj “Gvangjsih Gyaeundeidei • Lajmbanj Seuqsak” Hozdung

## 我区开展“美丽广西·清洁乡村”活动

5 nyied 2 hauh banhaet, Swcigih Dangjvej, Cwngfuj youq Nanzningz ciuhai “Gvangjsih Gyaeundeidei • Lajmbanj Seuqsak” hozdung densi dungyenz daihhoih. Swcigih Dangjvej suhgi Bungz Cinghvaz, Swcigih cajsiz Cinz Vuj, Swcigih Dangjvej fusuhgi Veiz Cauzanh camgya dungyenz daihhoih. Aenhoih naeuz, gih raeuz aeu youq ndaw song bi, doiq daengx gih lajmbanj guh baez “baet seuqsak” ndeu, sawj lajmbanj mbwn seizseiz lamz, raemx seizseiz saw, faex seizseiz heu, gwnzdieg seizseiz seuqsak. Youq ngoenzde lajbyonghngoenz, Nanzningz Si youq Sanhdangz Cin Mbanjmunzgunh gawjhengz “Nanzningz Gyaeundeidei • Lajmbanj Seuqsak” ngoenz caez hengzdoengh daih’it, heuh vunz lai hengzdoengh hwnjdaej, dawz lajmbanj baet seuqsak bae. Hozdung hainduj ngoenzde, daihgya couh youq aendieg cwzyingih swhgeij baet nyapnyaj, guh ndaej hoenghwdhwd.

(Yangz Cwngyingz)



▲ 5 nyied 2 hauh lajbyonghngoenz, Nanzningz Si youq Sanhdangz Cin Mbanjmunzgunh gawjhengz “Nanzningz Gyaeundeidei • Lajmbanj Seuqsak” ngoenz doengjit hengzdoengh daih’it.



▲ Daihgya youq dieg cwzyingih swhgeij baet dieg nyapnyaj.

## Gunghcwngz: Caux Aen Vanzging Gyaeundeidei Ndeu

### 恭城: 为群众创造舒适的环境

Geij bi neix daej, Gunghcwngz Yauzcuz Swciyen youq guh hong gensez lajmbanj moq seiz, dawz gij hong neix caeuq gij hong gaihcanj “Gvangjsih Gyaeundeidei • Lajmbanj Seuqsak” hozdung giethab hwnjdaej, vih ginzung caeuq bouxyouz baihrog caux aen vanzging ancienz, seuqsak, swxcaih ndeu. Seizneix, daengx yienh miz 117 aen cunh doenggvaq gak cungj hingzik haengjheiq gaihcanj “Gvangjsih Gyaeundeidei • Lajmbanj Seuqsak” hozdung, sawj yienghcej lajmbanj bienq ndaej yied daej yied gyaeundeidei.

(Couh Binjciuh Couh Gingz)



▲ Gyoengq ginzung youq gwnz dieg baet nyapnyaj.



▲ Hagseng ciemcoh caezsim gyaez-hoh vanzging gyaeundeidei lajmbanj.

## Ginzung Henzguk Cungh Yez Angq Hoh “Ciet Gobo”

### 中越边民同庆“歌坡节”



5 nyied 2 hauh, youq gwzming laujgih Lungzcouh Yen, gyoengq ginzung guk raeuz caeuq gyoengq ginzung Yeznanz cingq youq aen yienh neix Suijoug Cin Hozbingz Cunh angq hoh “ciet gobo”. Hozbingz Cunh caeuq Yeznanz caenh gek diuz dah ndeu, gyoengq ginzung Yeznanz moix bi cungj daej camgya aen ciet conzungj Cungguk neix. Hozdung ngoenzde, dangdieg ginzung cingq go diuq foux eu fwen, danqhaenh cwngcwz dangj ndei, singgo singfwen yiengj doh henzguk, gyoengq ginzung Yeznanz gig hozhaenz gyoengq yinzminz guk raeuz gwndaenj mbouj you, vaiqlag vuenyungz gvaq saedcej.

(Nungz Fanghmeiz)

## Mak Ndaej Fungsou Vunz Angqyangz

### 油桃园里体验丰收的喜悦



Mboengqneix, aen suen makyoudauz Vunz-ndawbya Du’gyaj Sanhcangh Denzyangz Yen Yifung Cin cingq sik hai suen mbaet mak, gyoengq bouxyouz haeuj suen bae mbaet mak, raen gwnz gomak venj rim aenmak youh hung youh hoengz, boubxouj cungj angq raixcaix, mbaet makyoudauz, gwn makyoudauz youh byoiq youh diemz haenx, boubxouj gwn youq ndaw bak, diemz youq ndaw sim.

(Lij Hungzginh)

## Yungzsuij Bouxcoz Ciengq Go Diuq Foux Angqcoux “Ciet Bouxcoz”

### 融水青年载歌载舞迎“五四”



Geij ngoenz gonq, mwh “ciet bouxcoz” yaek daengz, Yungzsuij Myauzcuz Swciyen Donzvej, Cingh Saunenz Hozdung Cunghsinh youq yienhsingz lienzhab gawjbanh angqcoux “haj • seiq ciet bouxcoz” vwnzyi vanjvei, vanjvei cawjdaez dwg “dawz seizcoz yienhhawj diegbya, yaengx hwnj gij siengjmuengh Cungguk”. Gyoengq bouxcoz caeuq gyoengq donzyenz diuq foux ciengq go, ciengq ok le gij simcingz maqmuengh saedyienh “siengjmuengh Cungguk” haenx, yienhcieg nauhyied dangqmaz.

(Lungz Linzci)